

EGIA

Egia gauza ederra da, gizon zuzenak nai dauana eta beartsuak itxarora. Sortzetik personeak, berez, daroa egiaren deia. Iñork ez dau nai guzurragaz atsipetua izaterik. Izan ere, gizona ez da saminpean bizi izateko jaioa. Lenengo asieratik artu genduan agiudu au. Bai bai, ez ez. Gauzak diran legez, gauzak diran legez artu ta azalduko dituzu. Bide ortatik alde ezker, gure izatea miñetan nekepean dago. Gauza guztiak curen lege ta jakituripean egon bear dabe.

Gizadiaren Sorleak giza-bizitza ondo eratu ta aun-era joan dedin gizartean, zuzentasuna eskatzen dautse lagun guztieri. Argiak ta egiak lagundu bear dautse, giza-semeak bere barruan daroan zuzentasun bear izanari. Egiak uts emoten ba-dau oster, uorbait edo zerbait minduta ta zapalduta geratzen da.

Zapaltzailleak iru eratakoak izan ditekez: zeiak, jakitunak eta indartsuak. Mundua da barriz gizarteko zapaltzailleen ziñaldari edo testigu. On egiten dan guztia goratuko dau argiak eta lurrak, ta egiten dan zapalte guztiak minduko dau egiaren bizia.

Gizartean geienak izango dira txikiak, bear izana ondo ezagutzen dabenak. Onein artean errukia ta laguntza askok agertuko dabe. Au da gizadiaren sorleak nai dauan jokabidea ta giza-seme leialak, berezko legiari erantzunez, lurtean betetuten dauan eginbidea. Ori da beartsuak egoki ikusteu dauan jokabidea ta ortik etorri bear dau gizarteko bizikera obeak, alkarta-

sun ta anaitasuna. Era ontan jokutzen dan bitartean, egia ta zuzentasuna dabiltaiz gizartean gidari.

Lurrean, oster, jende zeiaeren artean be itsutasuna arro-arro, dabil. Arrokeriak gizona puztu ta xaxatu egiten dau ta giza-gaisoa zerbait dalakoan goiak artuta dabil besteak baiño aundiagoa izan nairik. Ta orren bidez bizitzako bakea ausi egiten da, anaitasuna urratu ta bizia zauritu. Era ontako jokabideak, gizadiak daukan giza saillik bikaiñena loituta izten dau.

Beste zapaltzaille bat giza-jakituria izan leiteke. Jakituria, berez, gizonak argitu ta munduan ona zabalteko izan bear leuke. Jakituriz gauza on asko egin da munduan, gizonak argitu, bizi-bide barriak sortu, gosea ibitu... ta gizadiak abegi onez artu izan ditu gizonaren alde egindako lan ta egintza guztiak.

Baiña jakituriak ba dau beste alderdi bat bere munduan... buruaren argi bidez negar asko eragin da gizartean, ondasunak norberreganduz larregikerian... Era ontako jokabideak negar asko eragin dabe gizartean. Egiak ezin ditu ouartu era onatako egiturak.

Egiaren etsaia da baita bere indarkeria. Gorputza, gogoa, indarra gauza ederrak dira osasunagaz batean gizartean bizitzan. Gizon argi ta indartsuek on asko egin dabe mundu zabalean, zuzentasunez jokatu dabenean, baiña gizonak ta jokabide orrek lortu bear dau gizonaren poza lurtean.



Egia zer dan galdezka dago gizonen buru txikia arazo asko bai dauz gizonak jorratuteko bizia, argia nai dau lan aldietan zuzenduteko bidia era orretan jorratuagaz aurkituteko berbia.

Giza-egia guztiz eder da jakitunen agoetan okerrik barik egaz ba-lebil adimenen egaletan, baiña zoritxar gaiztakeria maltzur dabil ekiñetan giza-bizitza zapaldu nairik guzuraren ezipaetan.

Egia dabil liburuetan baita, borbor, agoetan izenez dabil zoratiu-ikan min gaiztoen dardaretan, baiña txarkeriz aulduta dago gizonen min gaiztoetan gizarte argi bear leukena biziaren egunetan.

Egirik bage norantza goaz giza-bizia salduta, guzurak atsekabea dakar zuzentasuna galduta ondoren dator gorroto-garra biotz bizia minduta, oi zein miña dan gizon artea egi argia illunduta.

Egia, berez, argitsua da zuzentasun izprietan eta gizonak argia bear bizitzako orduetan, zelaiak zear erbiak legez jorra daigun egietan bake ta poza izan daiguzan bizitzaren orduetan.

PAULIN